

Սկզբում հայկական կեսում կազմակերպվեցին երկու գավառներ— Զանգեզուրի և Մեղրու՝ իրարից Արեգունու—Մեղրու—Գյունեյի կամ Չավնդուրի, այժմ՝ Մեղրու լեռնաբազուկով բաժանված: 1935 թ. նոր վարչական բաժանումով, երբ գավառները վերակոչվեցին շրջանների, Զանգեզուր միասնական գավառից կազմվեց երեք շրջան, այն է՝ Սիսիանի, Գորիսի և Կապանի: Կապանը ընդգրկում է հարավային կողմերը և մասնավորապես Ողջի (Օխչի) գետահովիտը: Նրան մյուս երկու շրջաններից բաժանող սահմանն անցնում է Բարգուշատի (Բերգուշեռի) լեռնաբազուկի ջրբաժան սեռով և արևելքում ընթանում է Քաշունի (Չալգամի) գետի հոսանքով: Այս գծից դեպի հյուսիս, Որոտանի (Բապարչայի) ավազանում Սիսիանի և Գորիսի շրջանները իրարից անջատող սահմանը ընթանում է Լոր և Տաթև գյուղերի միջով ձգվող լեռնոստի սեռով և Լծեն գյուղից արևմուտք հատում է Որոտան գետը, ուղիղ դիմում է դեպի հյուսիս Նոարլրի (Ուշթափալարի) սարահարթով և հանգուցվում է Աղբրեջանական ՍՍՀ-ի սահմանի հետ Մեծ Իշխանասար—Սուրբ Օհաննես (Մեծ Իշխիսի) լեռան գագաթին: Եռանկյունու արևելյան աղբրեջանական կեսում նախկին ցարական Զանգեզուր գավառից կազմված են Քելբաջարի, Լաշինի, Կուբաքլուի և Զանգելանի վարչական շրջանները:

Նախամոնղոլյան ժամանակաշրջանում, նրա գավառակներից Բուն Զանգեզուրը համընկնում էր Հաբանդ գավառի հետ, որին արևմուտքից սահմանակից էր Մղուկը, այժմյան Սիսիանը, իսկ հարավից Բաղբը, այժմյան Կապանը: Բաղբի արևելյան կողմը կոչվում էր Բաբկուշատ կամ Քաշունի⁶: Հնում Կապան անունը տրվում էր հատկապես Ողջի (Օխչի) գետի և նրա վտակ Գեղվա գետի բարդ հովտին: Գեղվա գետի ավազանն է, որը կրել է մասնավորապես Զորք անունը⁷:

Զանգեզուրը Հայկական լեռնաշխարհի պատմության մեջ ապրել է ինքնորինակ կյանքով: Նա մտնում էր միջին դարերում որպես մի մաս շատ ավելի ընդարձակ աշխարհագրական միության մեջ, որն ընդգրկում էր և՛ Սևանա լճի ավազանը, և՛ այժմյան Հայոցձորը (Գարալագյազը, հնում՝ Վայոցձորը), և՛ նախիջևանի ներկա հանրապետությունը և կրում էր հատկապես Սյունիք կամ Սիսական անունը:

ԶԱՆԳԵԶՈՒՐԻ ՖԻԶԻԿԱ-ԱՇԽԱՐՀԱԳՐԱԿԱՆ ԲՆՈՒԹԱԳՐՈՒԹՅՈՒՆԸ

Այստեղ ուզում եմ կանգ առնել գլխավորապես Զանգեզուրի ֆիզիկա-աշխարհագրական այն պայմանների վրա, որոնց ազդեցությունը որոշակի նկատվում է բնակչության ծագման պրոցեսի, նրա տեղաշարժերի ընթացքի և ներկա դասավորության մեջ: Այս տեսակետով կարևոր դեր է խաղացել մասնավաճեցող հզորավորվող շրջանների բնույթը: Այդ շրջանների մեջ պարփակված եռանկյունու շրջանակը կազմում են արևմուտքից՝ Զանգեզուր-Ալանգյազի, հնում՝ Սյունյաց, արևելքից՝ Ղարաբաղի, հնում՝ Արցախի լեռնաշղթաները, հարավից նրան փակում է Ղարաբաղի լեռնաղեղը: Եռանկյունին ռոտող գետերի՝ Հա-

⁶ Օրբելյան Սո., Պատմություն նահանգի Սիսական, Ղուկասեան մատենադարան, Քիֆլիս, 1910, էջ 566:

⁷ Ալիշան Ղ., Սիսական, 1893, Վենետիկ, էջ 206 և հաջ.: